





*actuarij vix Notarij in Testamento judiciali
non supplet.*

1731, 19. 945.

PRO-CANCELLARIVS

IOAN. CHRISTIANVS

KOENIGK,

242

**IVR. VTRIVSQVE DOCTOR, ET FAC.
IVR. LIPS. ASSESSOR,**

SOLENNIA

DOCTORALIA

NOBILISSIMI ET CONSVLTISSIMI

IO. GEORGII KNOBLAVCHII,

ZITTAVIENSIS LVSATI,

DIE XIII. SEPTEMBR. MDCCXXXI.

CELEBRANDA

INDICIT.

PRO-CANCELLARIUS

JOHN CHRISTIANUS

KÖNIGK

IVR. VTRIVSQUE DOCTOR, ET FAC.
IVR. PERS. ASSESSOR

SOLFANIA

DOCTOR A L I A

HONORISSIMI ET CONSULTISSIMI

IO. GEORGI KNOBLAUACHII

ERTAVENSIS PARSIT

DIE XIII. SEPTEMBR. MDCCXXI

CELEBRANDA

INDICT.





A. Ω.

L

Egibus XII. Tab. et quidem Tab. V. leg. I. cautum legitur: Paterfamilias uti legasset super pecuniae tutelae suae rei, ita ius esto. Quibus verbis iuxta Pomponium in *l. 120. ff. de V. S.* latissima potestas et heredes instituendi, et legata et libertates dandi, tutelas quoque constituendi, tributa videtur. Et quem admodum ex adducta lege XII. Tab. verbum, legare, iure Decemvirali, idem est, ac testari, *VIGL. de testam. ordinand. in pr. n. 33. GOEDD. ad d. l. 120. de V. S. n. 2.* ita per vocabulum pecuniae, eodem iure, nihil aliud, quam hereditas intelligitur, *l. 22. circa fin. C. de administ. tutor.* Licet autem antiquitus nihil magis hominibus deberi creditum fuerit, quam ut supremæ volun-

A 2

lun-

luntatis, postquam iam aliud velle non possunt, liber sit stylus, et licitum, quod iterum non reddit, arbitrium, *l. 1. C. de SS. Eccles. Nou. I. c. 2. §. 2. et Nou. 22. c. 2. in princ.* attamen, aevo posteriori, aliud legislatoribus placuit, et testatorum licentia in multis iuris articulis fuit immunita. Hinc *lege Furia*: ne cui, nisi manumissoris cognato, certisque aliis personis supra mille asses legare, mortisue causa donare liceret, cauebatur, deinde *L. Voconia*, ne qui census esset; i. e. centum millia sestertium possideret, virginem, neue mulierem supra quadrantem suorum bonorum, h. e. ultra viginti quinque millia sestertium, heredem institueret, continebatur. porro *L. Falcidia*, ne plus legare testatori permitteretur, quam dodrantem bonorum ab ipso relictorum, *pr. §. de L. Falc. et l. 1. in pr. ff. eod.* praescribatur. It. *L. Fufia Caninia*, certus modus constituebatur in seruis testamento manumittendis, quae tamen postea, quasi libertatem, ceu rem inaeestimabilem, §. 7. *§. quibus ex caus. manumitt. non lic. l. 106. ff. de R. I.* impediens, quodammodo inuida, est sublata, *pr. §. de Leg. Fuf. Canin. tollend.* nec non *L. Aelia Sentia*, ne in fraudem creditorum seruos manumittere Domino, soluendo non existenti, esset liberum, *pr. §. quib. ex caus. manum.* expresse disponebatur. Nec vlli licitum
nunc

nunc est, in suo testamento, ne leges, licet eae aliter statuant, in illo locum habeant, *l. 55. ff. de legat. i.* cauere, sed ipsi potius incumbit, vt omnia ea, quae circa testamenta ordinanda sunt statuta, ad amissim obseruet, *l. vlt. in fin. C. de fideicom.* et ne latum vnguem, vt dicitur, ab iis recedat, *l. 32. ff. de legib.* siquidem ea tantum possumus, quae lege possumus, *c. 18. X. de rescript.* Ea propter testatoris vltima voluntas tunc demum robur accipit, si sit legitima, i. e. legibus conformis, *l. 4. ff. qui testam. facer. poss.* alias, si contra iuris dispositionem testamentum est conditum, illud, quod in eo continetur, non subsistit, sed idem, ac si plane nullum esset factum, habetur, *l. 5. C. de legib.* cum sint paria, aliquid plane non fieri, et non rite fieri, *arg. l. 6. ff. qui satisd. cogant.* Atque haec, quae diximus de omni iure, siue sit Ius Ciuile Rom. siue Imperii, siue Prouinciale, siue etiam municipale sunt intelligenda, cum quilibet subditorum, secundum superiorum placita et sancita, actiones suas debeat instituire, *l. 7. et 29. ff. de legib.* Quae autem circa requisita testamentorum custodienda veniunt, ex legibus et constitutionibus satis constat, adeo, vt non opus sit, ea omnia ex illis huc referre. Eius tantummodo mentionem impraesentiarum facere nobis animus est, quod, si quis testamen-

tum iudiciale velit conficere, atque ob aduersam valetudinem ipse in iudicio comparere nequeat, sed illud domi ordinare eum oporteat, et testator, et Iudex id, quod leges iubent, probe obseruare teneantur. Et quidem quod Iudicis partes attinet, in foro Sax. El. iuxta *Decis. 73.* hoc constitutum nouimus, quod ille, praeter Actuarium, ad minimum duos Scabinos, si non ipse cum vno alteroue Scabino adesse velit, aut possit, regulariter ablegare debeat, alias eiusmodi testamentum pro nullo declaratur. Quid autem si Actuarii copia haberi nequeat, num Iudex Notarium requirere, eique hunc actum, cum Scabinis expediendum, possit committere quaeritur? Hic casus Facultatis nostrae Iuridicae decisioni a D. J. C. S. Mens. Nou. 1728. fuit oblatum, sc. Praefectus L. rogatus, vt testamentum a J. S. conditum reciperet, non solum ipse aedes priuatas adiit, sed etiam iudicem paganum, *den Land-Richter*, secum attulit, loco autem Actuarii Notarium Publicum Caesareum ad hunc actum requisit, coram quibus testator supremam suam voluntatem exhibuit. Post eius mortem lis inter viduam et liberos circa relictam hereditatem oriebatur, et ante omnia, vtrum testamentum subsisteret, quaerebatur? Quam quaestionem negauimus, moti his rationibus, 1) quod Actua-

Actuarius testamentis iudicialiter conficiendis
necessario interesse, et quae geruntur diligenter et
fideliter actis debeat inserere, *Dict. Dec. El. Sax.*
73. j. Dec. 39. in fin. RICH. *p. 1. D. 30. n. 25.* BERLICH.
p. 1. Dec. 85. PHIL. *ad Dec. El. Sax. 45. O. 1. n. 48.*
quem in modum respondit etiam Fac. Jur. Lips.
M. Nou. 1714. 2) quod ille ad hoc iudicium,
quod ad eiusmodi actum expediendum roga-
tur, sit constitutus, et iureiurando deuinctus,
cap. II. X. de probat. Ord. Proc. Sax. El. tit. 2.
circa finem vers. Wollen wir &c. Resol. Grau.
de an. 1661. von Just. Sachen §. 32. vti itidem
respondit laudata Fac. Mens. Dec. 1706. siqui-
dem, quod ad formam alicuius actus est prae-
scriptum, illud nullo modo immutari, aut per
aequipollens suppleri potest, BALD. *in l. 20. C.*
de fide instrum. Accedit 3) quod munus actua-
rii a notarii officio sit plane distinctum, *Dec.*
El. Sax. 39. in fin. adeo, vt quae isti compe-
tunt, ab hoc expediri nequeant. Fluit ergo
exinde, Iudicem in testamento iudicali non
posse, in locum Actuarii, Notarium adhibere,
vtut eius testimonio alias singularis fides tribua-
tur, vt etiam duorum testium vice fungatur,
MENOCH. *de A. J. Q. l. 2. cas. 91. n. 3.* Eadem
ratione iam antea respondit inclyta Facultas
Iuridica Vitembergensis Mens. Nou. 1695. et
Mens. Sept. 1720. His autem diutius immo-
rari

rari praesens institutum non patitur. Quare
potius ad id, quod scribendi occasionem nobis
praebuit, conuertimur. Scilicet ex more re-
cepto de natalibus et studiis

Nobilissimi et Consultissimi Candidati

**DN. IOANNIS GEORGII
KNOBLAVCHII,**

quaedam, eaque praecipua, nunc recensenda
veniunt. Natus is est An. M. DC. XCVII. die
XXII. Decembris in agro Nissano, Marchiona-
tus Lusatae superioris, Zittaviae, ex honestis
Parentibus, Patre, MARTINO KNOBLAV-
CHIO, ciue ibidem, collegii Opificii, quod vo-
cant, Laneatorum membro, Matre vero MA-
RIA, ex Rideliarum stirpe oriunda. Prima funda-
menta rerum diuinarum et humanarum in lite-
ris patrio debet Gymnasio, eiusque Praeceptoribus
publicis, imprimis Dn. KNEBELIO, M.
PITSCHMANNO, Beatis MIRO et WENZE-
LIO, sub quorum institutione literis elegantiori-
bus et disciplinis bene informatus nostram Lipsi-
am, Musarum sedem supra tria secula celeberrimam,
An. M. DCCXVII. se contulit, et in Phi-
losophicis Professoris MENZII, M. MVLLER-
RI, nunc Directoris Gymnasii Zittauiensis, D.
RVDIGERI, et imprimis D. MVLLERI scho-
las

las sedulo est sectatus. His absolutis Professorem D. IO. BURCHARD. MENCKENIUM, in Historia literaria, politica et D. CHRISTIANUM GODOFREDUM HOFFMANNUM, iam Facultatis Iuridicae in alma Viadrina Ordinarium, nec non D. GLAFFEY, in Historia Iuris et Iure publico audiuit. Cum autem imprimis studio Iuris se applicare constituisset, haud neglectis collegiis publicis B. Ordinarii MENCKENII, vt et Prof. D. RECHENBERGII, aliorumque, statim collegia priuata D. PHILIPPI, D. WEIDLINGII, D. SCHACHERI, et, post eius obitum, D. DINCKLERI ad omnes Iurisprudentiae partes, sine intermissione, frequentauit, iisque et examinatoria et disputatoria adiunxit. Relicta hac Philuraea, ad vicinam Academiam Fridericianam, quae Halae Saxonum est, An. M. DCC. XX. transiit, et in illa ab ore Professorum Ordinariorum, THOMASII, BOEHMERI, LVDOVICI, GVNDLINGII et WOLFFII pependit, anno vero M. DCC. XXI. patriam repetiit, et oblatam Gubernatoris duorum Iuuenum Nobilium de CANIZ et de ALBA spartam in se suscepit, eoque otio minime otiosus esse voluit, sed nostri nunc Ordinarii Dn. GRIBNERI Principia Iuris Nat. in nucleum redacta, Vitebergae M. DCC. XXII. vt et aliud scriptum sub titulo:

B

Philo-

Philosophisches Sendschreiben an Hn. Hof-
Rath, D. R. L. von der in uns Menschen zwi-
schen Leib und Seele eingerichteten Harmo-
nie, ib. M. DCC. XXVII. edidit, aliaque, ast in-
edita, et adhuc in MStis asseruata, composuit.
Noluit autem soli theoriae insistere, verum
etiam praxin postquam antea hic Lipsiae D.
BIRNBAVMIVS ei viam ad illam strauit, et
D. GVST. HENR. MYLIVS ad practicum, vt di-
citur, Collegium Elaboratorium ipsum admisit,
cum illa coniungere, et clientum causas orare in-
stituit. Quapropter mandato Regio de Aduo-
catis in Lusatia superiore M. DCC. XXV. pu-
blicato, a Magistratu Zittaiensi, praeuio iura-
mento, in Aduocati, et Dresdae in Notarii mu-
nere est confirmatus, matriculaeque insertus.
Nunc autem redux huc factus, Collegium no-
strum adiit, et ab eo, vt ad summos in vtroque
Iure honores aditus aperiretur, modeste petiit.
Cui honestissimo desiderio Facultas nostra de-
esse noluit, adeoque illum ad consueta speci-
mina admisit. Rite itaque tentamine, vt et
examine rigoroso peractis, in quibus suam in
Iure scientiam nobis ex voto comprobauit, ni-
hil reliquum est, quam vt lectionem cursoriam
ad *l. 2. ff. pro soc.* die Mercurii, quae est XII. Se-
ptembr. hora II. pomeridiana instituat, et alte-
ro die Iouis ab hora VIII. matutina ad XI. in-
augu-

auguralem Disputationem, de *Zittauensi Com-
munionem bonorum inter coniuges, eiusque prae-
cipuis effectibus in foro*, exaratam in Audito-
rio Petrino, sine Praeside habeat. Id quod
confestim sequetur ipse Promotionis actus,
quem hac vice Collega noster honoratissimus,
Dn. CHRISTOPHORVS DONDORF-
FIVS, Facultatis nostrae Senior, nec non Iu-
dicii Prouincialis in Lusatia inferiore Assessor,
concessa a *Reuerendissimo ac Serenissimo Prin-
cipe ac Domino, Domino HENRICO,*
*Duce Saxoniae, Iuliae, Cluiviae, Mon-
tium, Angriae et Westphaliae, Epi-
scopatus Martisburgensis Postulato
Administratore, Landgrauio Thuring-
giae, Marchione Misniae, ac utrius-
que Lusatiae, Comite Principalis Di-
gnitatis Hennebergico, Comite Mar-
cae, Rauensbergae et Barby, Dyna-
sta in Rauenstein etc. Cancellario hu-
ius*

966
*ius Academiae Perpetuo, Domino
meo Clementissimo, potestate, Promoto-
ris munus a me, Pro-Cancellario, delegatum est,
expedit, et antea nominato IO. GEOR-
GIO KNOBLAVCHIO, praestito prius
sacramento iustitiae, in utroque Iure Licentia-
ti, et mox Doctoris dignitatem conferet, simul-
que omnia priuilegia et immunitates, quae Do-
ctoribus nostris, attamen sine sessionibus et
suffragiis in Facultate nostra, competunt, ei-
dem attribuet. Ut autem hic actus eo splen-
didior fiat, Magnificum Academiae Rectorem,
Comites Illustrissimos, Procures utriusque Rei-
publicae Amplissimos, nec non Generosissimos
et Nobilissimos Studiosos ea, qua par est, ob-
seruantia et humanitate rogatos cupimus, ve-
lint illum praesentia sua exoptatissima conde-
corare, eique maiorem lucem accendere. Quam
gratiam et beneuolentiam, Ordini nostro ex-
hibitam, mutuis studiis et officiis demereri non
intermitteremus. P. P. Dominica XVI. post
Festum Trinitatis, A. R. S.
MDCC XXXI.*

L I P S I A E,

EX OFFICINA LANGENHEMIL.






Leipzig, Diss., 1731 A-L
X 241 7843







*notarij vreis Notarius in Testamentis judiciali
non supplet.*

1737, 19. 242

PRO-CANCELLARIVS
IOAN. CHRISTIANVS
KOENIGK,
IVR. VTRIVSQVE DOCTOR, ET FAC.
IVR. LIPS. ASSESSOR,
SOLENNIA
DOCTORALIA
NOBILISSIMI ET CONSVLTISSIMI
IO. GEORGII KNOBLAVCHII,
ZITTAVIENSIS LVSATI,
DIE XIII. SEPTEMBR. MDCCXXXI.
CELEBRANDA
INDICIT.

